

UGOVOR BROJ: 04-14-1080-7/17

PRODAVAC: LUPON VENTURES D.O.O. SARAJEVO

(u daljem tekstu: Prodavac)

KUPAC: MINISTARSTVO SAOBRAĆAJA KANTONA SARAJEVO

(u daljem tekstu: Kupac)

1. PREDMET UGOVORA:

Predmet Ugovora je nabavka, isporuka i instalacija **uređaja za naplatu parkiranja-parkomata, sa pripadajućim softverima i licencama, ugradnja i instaliranje(ključ u ruke)**, te obuka, a sve prema tehničkoj specifikaciji putem otvorenog postupka sa međunarodnom objavom, prema ponudi 04-14-9785 od 03.03.2017. godine za slijedeće stavke:

1. Uređaji za naplatu parkiranja-parkomata prema tehničkoj specifikaciji putem otvorenog postupka sa međunarodnom objavom.

2. OBIM ISPORUKA:

Obim isporuka iskazan u tački 1. ovog Ugovora, obuhvata:

- isporuku prenosivog kompleta opreme u pripremljenim prostorijama Kupca
- instaliranje opreme,
- održavanje u garantnom roku.

Amir Topić



3. CIJENA:

Ukupna cijena za isporuke i radove po ovom Ugovoru iznosi:

1. Cijena bez PDV-a : 1.049.220,00 KM

2. PDV : 178.367,40 KM

3. Cijena sa PDV-om : 1.227.587,40 KM

Slovima: (miliondvijestotinedvadesetsedamhiljadpetstotinaosamdesetsedam 40/100 KM)

Cijena po ovom Ugovoru podrazumijeva paritet fco Sarajevo, isporučeno na sjedište koje odredi Kupac, ocarinjeno, sa porezom na dodanu vrijednost.

4. NAČIN PLAĆANJA:

Plaćanje za izvršene poslove će se vršiti uplatom na transakcijski račun dobavljača i to plaćanja do 50% prilikom isporuke robe, a preostali iznos u roku od 15 dana od dana isporuke, montaže i puštanja u rad. Za svako plaćanje dostaviti račun i fakturu.

5. ROKOVI:

Rok za isporuku, montažu i puštanje u rad opreme iz tačke 1. ovog Ugovora je odmah po potpisivanju Ugovora, a najdalje u roku od 150 dana.



6. PRIMOPREDAJA

Primopredaja opreme vrši se potpisom otpremnice, a ista se potpisuje nakon kvalitativnog i kvantitativnog prijema opreme, koju će izvršiti nadzorni organ kojeg odredi Ministarstvo saobraćaja Kantona Sarajevo.

Ukoliko se pregledom utvrdi da kvalitet i kvantitet ponuđene opreme ne odgovara traženom i ponudom utvrđenom kvalitetu (brend name oprema) i kvantitetu, Kupac zadržava pravo da traži otklanjanje nedostataka odnosno ako se nedostaci ne otklone u roku od 48 h da raskine ugovor na štetu prodavca.

7. GARANCIJE:

Za ugovorenu opreme iz tačke 1. ovog Ugovora Prodavac daje garanciju na kvalitet i funkcionalnost u trajanju od:

a) 24 mjeseci od dana isporuke.

Garancija za opremu obuhvata sve kvarove nastale usljed grešaka u projektiranju, proizvodnji i materijalu.

Prodavac će u toku garantnog perioda održavati opremu u funkcionalnom stanju i u okviru toga izvršavat će redovno održavanje i otklanjanje kvarova, odnosno popraviti ili zamijeniti, po svojoj ocjeni komponentu ili neispravni dio opreme.

Sve neispravne komponente ili dijelovi opreme ostaju vlasništvo Prodavca.

Garancija se ne priznaje u slučaju kada je do kvara na opremi došlo usljed:

1. nepravilne, nestručne upotrebe opreme,
2. neadekvatnih uslova za rada opreme,
3. više sile
4. drugih nepredviđenih događaja (vandalizam)

Prodavac će kupcu predati Bezuslovnu bankovnu garanciju u iznosu od 122.758,74 KM, za dobro izvršenje posla sa rokom trajanja do 24 mjeseca, u roku od 10 (deset) dana od dana potpisivanja, u suprotnom Ugovor će se smatrati ništavim.

Kupac gubi pravo na garanciju ako u toku garantnog perioda, bez pristanka Prodavca, sam ili putem trećih lica vrši popravke na predmetu Ugovora.

8. OBAVEZE KUPCA/PRODAVCA:

Kupac i Prodavac se obavezuju da u roku od 24h od potpisa Ugovora pismeno obavijesti Prodavca i Kupca koje će lice biti zvanični predstavnik Prodavca, odnosno Kupca po ovom Ugovoru.

Kupac je obavezan da do momenta isporuke dostavi Prodavcu pismenu izjavu da je oprema iz tačke 1. ovog Ugovora, osnovno sredstvo za obavljanje registrirane djelatnosti.

Ponuđač je dužan obezbijediti trajnu licencu za pristup i korištenje parkomata bez bilo kakvih hardverskih i softverskih ograničenja. Licencu je potrebno isporučiti na CD-u, stiku ili elektronskim putem.

9. AUTORSKA PRAVA:

Prodavac zadržava sva autorska prava proistekla iz njegovog industrijskog vlasništva nad cjelokupnim predmetom ovog Ugovora, osim licenci i programskih rješenja koja isporuči u postupku nabavke.

10. SPOROVI

Sve eventualne sporove koji proisteknu iz ovog Ugovora rješavat će ugovorne strane sporazumno. Ukoliko ne bude moguće sporazumno rješavanje nastalih sporova isti će biti riješeni putem nadležnog suda u Sarajevu

11. ZAVRŠNE ODREDBE

Sve eventualne dopune i izmjene ovog Ugovora moguće je obaviti pismeno potpisivanjem Anex-a osnovnog Ugovora, uz saglasnost ugovornih strana.

Ovaj ugovor je sastavljen u 6 (šest) istovjetnih primjeraka od kojih svaka ugovorna strana dobija po 3 (tri) primjerka.

PRODAVAC:

Lupon Ventures d.o.o. Sarajevo

DIREKTOR

Alis Husrep



KANTON SARAJEVO

Ministarstvo saobraćaja

MINISTAR

Dr.sc Mujo Fiso

KUPAC

Sarajevo, 17.04. 2017.godine

ff